



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Canones Directivi Confraternitatis Sacerdotum Bonae  
Voluntatis, Sub Invocatione Domini Nostri Jesu Christi in  
Cruce morientis**

**Dirckinck, Johann**

**Coloniae, Anno 1709**

**VD18 12518239**

Canon IV. De Satisfactionis indicio.

[urn:nbn:de:hbz:466:1-51869](#)

lis est conjunctio, & confœderatio, omniaque cedunt in conjunctorum, ac confœderatorum utilitatem.

Præstemus itaque D D. Confratres, ex charitate, quæ sunt præstanda ; quod si fideliter fecerimus ; illæsæ, inconclusæque stabunt Confraternitatis nostra columnæ; & multa eximia in vivos Confratres emolumenta , & in pios defunctorum manes solatia exuberabunt.

## CANON IV.

**S**emel in anno, vel per se, vel per alium, sive etiam por literas, singuli satisfactionem suam, & animum perseverant testentur Directori, vel illius districtui *Assistenti.*

## EXPOSITIO

**C**onfraternitas nostra laudatissima, non est aliud, nisi Societas amoris, & Sodalitas mutuae charitatis; in qua, gubernatio, directio, Sacrificiorum oblatio, oratio, admonitio, exhortatio & reli-

reliqua omnia , ex charitate , cum charitate , & in charitate fiunt ; secundum Apostoli consilium 1. Corinth. 16. 14. *Omnia vestra in charitate fiant.* Ut proinde de ea , paucis mutatis , asserere posse videamur , quod S. Augustinus l. 13. de Civ. Dei. c. 8. de qualibet Civitate edixit *Civitas est conjunctio quadam multorum hominum , vinculo bona & honesta cuiusdam amicitiae ligatorum : quo vinculo deficiente mox ipsa perit : nam ut ipse Salvator ait : Omne regnum in seipso divissum desolabitur.* Lucæ 11. 17. Ita simili-  
ter dicamus : Confraternitas nostra est conjunctio & confœderatio multorum Sacerdotum mutuæ charitatis vinculo , & de Sacris legendis pacto , ligatorum ; quo dirupto , aut deficiente , ipsa quoque deficeret .

Quotquot in hac confœderatione numeramur ; [ numeramur autem modò circiter 480 ] pium inter nos fœdus sanguinis , legendi menstruè sacrum pro Confratribus vivis , & hebdomadariè pro defunctis : quæ duo , potissima fœderis initi puncta , & quasi capita censem-

E 3 tur,

rur , aut cardines , circa quos fodaliti<sup>m</sup>  
 nostri machina volvitur. Iam verò nemo  
 nostrum , ut remur , adeo hebes est , &  
 ignarus ; qui , sola nominis sui in album  
**Confraternitatis relatione** , & omissa  
**pacti implementatione sacrificiorum Confra-**  
**ternitatis seu in vita , seu à morte**  
**in flaminis purgantibus , participem se**  
**fore arbitretur : fœdus enim nostrum,**  
**in mutua charitate fundatum , radica-**  
**tumque est , quo tacitè quodammodo**  
**dicimus ; do ut des ; sacrifico ut sacrifices ;**  
**Deo approbante , & oblata sacrificia ,**  
**tam vivis , quam defunctis , pro cuiusque**  
**fidelitate , & meritis applicante , ac dis-**  
**pendante . Quare ut pactum hoc in suo**  
**robore & vigore firmius , constantiusque**  
**perduret , præsens Canon exigit , ut & sa-**  
**tisfactio , & perseverandi animus , Præsi-**  
**dibus semel in anno , verbo , scripto ve-**  
**gnificetur . Quo quid facilius ? quid levi-**  
**us , aut exilius exigi potest ? Quod si vero**  
**quispiā tantillū labore seu molestiam re-**  
**fugiat ; an non ejusmodi , tot milleno-**  
**rum sacrificiorum fructum , ac valorem**  
**infinitum parvipendere , adeoque iisdem**  
**indignus esse meritò censemebitur ?**

Ut

Ut igitur tam satisfactionem , quām perseverandi voluntatem alacrius , libentiūsque præstemus & significemus ; quemadmodum in expositione Canonis secundi , Sacrificiorum pro nobis offerendorum necessitatem ; ita nunc eorundem utilitatem nonnihil declarabimus ; hoc ordine , ut auspicemur à vivis ; ac deinde ad defunctos digrediamur .

I. Celebramus quot mensibus sacrum , pro felici morte Confratrum vivorum , ut Canon 11 & Bulla Innocentii XI. innuit : hic nempe finis , hic Scopus est , mors felix & beata , à quā felix & beata pendet æternitas : Et quoniam mors Echo vitæ est ; & mors finis , at vita medium ; finis autem absque mediis obtineri nequit : hinc est , quod dicta sacrificia , non solum ad piam , sanctamque mortem ; verum etiam ad piam , sanctamque DD. Confratrum vitam , à Divina Bonitate & Clementia obtainendam dirigantur . Quod si porrò non solum Sacrificiorum valorem , virtutem , & efficaciam , tum satisfaciendi , tum impetrandi maximam consideraverimus [ Theologi docent esse infinitam ] sed etiam innu-

meras indigentias & necessitates nostras,  
uti & pericula ac scopulos perpenderimus;  
haud dubie, non ad sacrificia dunt  
taxat prompte offerendum, & de satis-  
factione edocendum, verum etiam ad  
perseverandum in proposito, mirifice  
animabimur.

Hæc cine pericula, hos Scopulos, ad  
quos animæ Ecclesiasticae cymba non  
rarò ita alliditur, ut à mortis felicis &  
beatæ æternitatis portu naufragetur;  
rescire & intueri desideratis? nisi falli-  
mur, præ aliis memorandi veniunt  
in sequentes.

I. primus Scopulus est *Defectus Bo-*  
*ne Voluntatis* ( qui tamen in Confratri-  
bus nostris Bonæ Voluntatis minimè re-  
peritur ) In omnibus Ecclesiæ Ministris,  
ac Clericis, hæc ante omnia, bona vo-  
luntas requiritur: Volo servire Deo &  
Ecclesiæ Dei: volo esse servus IESU  
**CHRISTI**. Ex quo tonsus sum & ordi-  
natus Sacerdos, Christi minister factus  
sum, ac proinde Mundo Carni ac Da-  
moni non amplius serviam. Talem se-  
nominabat Apostolus ad Rom. c. i. l.

*Paulus*

*Paulus servus IESU CHRISTI.* Hic est primus titulus honoris, hæc est prima qualitas omnium Ecclesiasticorum, ut scribit Cardinalis Bellarminus l. 2. de gem. col. c. 5. Ut sint servi Christi, & servi Christi, non quomodo cunque, sed propriè, id est, toti addicti obsequio Christi; ut spoliati omni aliâ curâ & solicitudine, unum negotium sit Christo famulari, in studio propriæ & alienæ salutis, ac lucro animarum. Servus enim quidquid est, Domini est; quidquid habet, Domino habet; quidquid potest, Domino suo potest. Tales fuisse Apostolos perspicuum est, ex illis verbis beati Petri Matth. 19. *Ecce nos reliquimus omnia & secuti sumus te.* Et ex illis beati Pauli 2. ad Tim. 2. *Labora sicut bonus miles CHRISTI IESU: nemo militans Deo implicat se negotiis secularibus, ne placeat ei, cui se probavit.* Hinc Apostoli, ut in sola Christi gloria & animarum salute quærenda laborarent; etiam rerum temporalium ad Ecclesiam pertinentium curam aliis demandabant; ut ipsi rebus spiritualibus unicè intenderent: Non

E s  
est

*est equum, inquietant, nos derelinquere  
Verbum Dei, & ministrare mensis. Act. 6.  
& pro cibo, potuque solitudinem ge-  
rere.*

Quod ipsum faciendum Episcopis  
Apostolorum successoribus [ atque in  
his etiam Prælatis, Pastoribus ac Sacer-  
dotibus ] docet Concilium Carthagi-  
nense IV. c. 20. his verbis *Episcopi nul-  
lam rei familiaris curam ad se revocent,  
sed lectioni & orationi & verbi Dei præ-  
dicationi solummodo vacent. Quâ de re  
S. Bernardus loquitur l. 4. de considera-  
tione c. 9. Quid inquit, Episcopo[ Præla-  
to, Parocho, Presbytero ] Turpius, quâm  
incumbere suppelletili & substanciali  
sue ? scrutari omnia, sciscitari desingu-  
lis, morderi suspicionibus, moveri ad  
quacunque perdita, vel neglecta? Ve-  
rūm, quâm longè, nonnullos è Clero,  
ab hoc antiquo jure & more; hoc, præ-  
sertim ævo, deflectere cernimus? Quot  
sunt, prô dolor! qui majorem pro equis  
& vaccis, pro pratis & satis, quâm pro sua  
& ovium suarum salute æterna curam  
gerant? Quot sunt, qui plûs opibus terre-  
nis,*

nis, quām cœlestibus divitiis coacervādīs  
inhient? plūs pro nummis in arcā infe-  
rēdis, quām pro animabus orci faucibus  
eripiendis & in patriam cœlestem inve-  
hendis distineantur? At necessitas, inquis,  
cogit, mos obtinuit, consuetudo præ-  
scripsit. Necessitas fateor, legem nescit,  
si vera sit, quod expendendum venit; at  
in vetito, maloque haud præscribitur.  
Quot sunt, qui alienis à Clero, & sœcula-  
ribus negotiis, minimè sibi necessariis  
sese ingerunt? Ne autem hæc labes quen-  
quam nostrum corripiat, & animæ cym-  
bam in Scopulum salutis æternæ pericu-  
losum illidat, quid Sacrificiis pro gratia  
imperanda utilius? quid necessarium  
magis?

2. Alter Scopulus in quem nonnun-  
quam Ecclesiastici impingunt, est *De-  
fectus vocationis ad statum Clericalem;*  
dum vocationem Dei non exspectant,  
nec cum Apostolo dicere queunt, Rom.

1. 1. *Vocatus Apostolus*, id est à Deo ad  
Apostolatum vocatus. Atque inde ori-  
tur quod non sint veri Servi Jesu Christi:  
qui enim se ipsos intrudunt, & quærunt

aut Ecclesiis, aut amplis parochiis præfici, aut aliis pinguibus beneficiis, & quandoque pluribus simul provideri, ut honore vel opibus potiantur, mirum esset, si quærerent, quæ sunt Jesu Christi; sed suarum cupiditatum sunt mancipia. Et illi quoque qui non per se quærunt prælaturas, divites parochias, aliave Ecclesiastica beneficia; sed ab alio accipiunt, non quod sint cæteris aptiores & digniores; aut Ecclesiæ Dei utiliores; sed quod sint propinqui sanguine, vel quod potentes aut magnates habeant fautores; non vocantur à Deo, sed à carne & sanguine; nec Jesu Christi, sed hominum servi evadunt, ideoque mirum non est, si non se totos Christi obsequio impendant; cum non propter Christum vocati sint; sed propter opes augendas, vel familias nobilitandas. Rectè igitur S. Bernardus admonet Eugenium Papam I. 4. de consid. *Alius, inquiens, pro alio, alius fortasse & pro se rogat pro quo rogaris suspectus sit; qui ipse rogat pro se, jam judicatus est.* Et infrà Itaque non vobentes, neque currentes assumito, sed cunctantes

stantes, sed renuentes etiam coge illos & compelle intrare. Ita laudatus ante C. Bel-larminus. Ut jam nemo ejusmodi farinæ in Confraternitatem nostram irrepat, aut sit; vel si sit, ut Dei miseratione, emen-detur, contritionem eliciat, intentionem sinistram in meliorem commutet, since-rè, unicèque Deo servire, ac totum se ejusdem obsequio consecrare decernat; quid sacrificiis utilius? quid convenien-tius? quid efficacius?

3. Tertius, utinam rarus! Cleri præ-sertim curati Scopulus, est *Defectus predicationis Evangelii*: hoc enim, à Deo ad animarum curam vocatorum, est officium, quod explicat Apostolus his verbis: *Segregatus in Evangelium Dei* Rom. 1. 1. Episcopale & Pastorale mu-nus Apostolicum est, & in illos cadit Christi Domini dictum Joan. 20. *Sicut misit me Pater, Ego mittō vos.* Quorsum verò Pater Filium miserit, ex Isaiae Pro-phecia declaravit idem ipse Filius, dicens Lucae 4. *Spiritus Domini super me, propter quod unxit me, evangelizare paupe-ribus misit me.* Illudque munus in vicis &

E 7 castellis,

castellis, in templo & Synagogis, in campis & desertis, in montibus & in mari, in domibus privatis & mensis, Christus Dominus constantissimè exercuit. Quem & Apostoli imitati sunt, illam functionem sibi propriam esse declarantes, cùm dicerent Act. 6. *Nos orationi & verbo Dei instantes erimus.* Et S. Paulus 1. Corinth. 9. *Si Evangelizavero, non est mihi gloria: necessitas enim mihi incumbit: va enim mihi si non evangelizavero.*

At quis h̄ic rursum in variis animarum Curatoribus defectus? quot illorum, Væ istud meritò reformident? Qui Catecheses & rudium instructiones intermittunt, Verbum Dei non annuntiant, aut ex eo plausum captant, aut negligenter se comparant, aut ad captum auditorum non perorant: adeoque populum in ignorantia & vitiis detinent & in damnationem æternam præcipitant. Ut igitur hæc lues, cœlitus quasi repercutta, minuatur & cesset: quid divinis sacrificiis ad imperrandam gratiam efficacem melius? quid conducibilius? quid potentius?

4. Sco-

4. Scopulus quartus est *Defectus Ecclasticae conversationis* & vitæ clero dignæ , qui complures , ac terribiles Scopulos involvit , de quibus , ex parte , alias egimus . Quot enim animas Ecclesiasticas , in orbe terrarum , extra Confraternitatem nostram laudabilem , superbiæ , ambitionis , & vanæ gloriæ charybdis haurit & mergit in profundum ? Quot scylla vorax gulæ , commessationis & temulentiaæ absorbet ? Quot syrtis avaritiæ , simoniæ & philargyriæ in abyssum præcipitat ? Quot animas luxuriæ & irmoditiæ , ingentes Scopuli acroceraunia , sed fulmini maximè obnoxia , quantiunt , ac diffringunt ? Quot denique naves ad acediaæ tepiditatis & oscitantiæ rupem diffiliunt , dum Prælati , Parochi & animarum Curatores , toti rebus terrenis immersi , ovibus suis non invigilant ; horarum pensum absque attentione & devotione persolvunt , mysteria divina in supellestile fôrdida celebrant ; cœlestia Sacra menta , indignis vel indignè ministrant ; plebem fidelem , ad salutem necessaria , non docent ; atque ita animæ

æter-

æternum pereunt , pro quibus Christus  
mortuus est ; dum ipsi interim toti in eo  
sunt , ut possint agros , vineas , hortos  
plantare , redditus augere , domum egre-  
giâ supellecstile ornare , propinquos  
cumulare divitiis , vel ascendere ad gra-  
dus altiores . Ut alia scandala taceamus ,  
quibus populum ad imitandum provo-  
cant & quos debuerant sanare , corrumpunt ; illud Christi fulmen non metuen-  
tes : *Qui scandalizaverit unum de pusillis  
istis , qui in me credunt , expedit ei ut  
suspendatur mola asinaria in collo ejus ,  
Et demergatur , in profundum maris.*  
Matth. 18.

Sed quorsum ista ad viros bona voluntatis atque ab his Scopolis longè remotos , proferimus ? nimirum , ut qui justus est , justificetur adhuc , & qui sanctus est , sanctificetur adhuc , & qui ab his vitiis remotus est , removeatur adhuc ; & qui forte appropinquare cœperit , non appropinquet adhuc amplius : sed penitus recedat , idque menstruis sacrificiis à Divina Bonitate impetrare connitamur ; quæ incredibili ad hunc finem energiâ & effi-

efficaciâ pollut. Unde S. Laurentius Justinianus Venetorum Patriarcha in sermone de corpore Domini exclamat: O pretiosum convivium! O sacrosanctum mysterium, omni admiratione dignissimum? quod frequentatur in Ecclesia, ut justis gratiam, peccatoribus veniam, debilibus robur, latitiam mœstis, diligenteribus exultationem, nutantibus spem, credentibus pacem, viatoriam certantibus, captiuis libertatem atque defunctis confert requiem! In ipso enim thesauri reperiuntur plurimi, munera copiosa, spirituales delicia, mirabilia maxima, sacra mysteria, Dei Hominisque persona.

II. A viventibus ad vitâ funtos transamus: & ea quæ stimulo esse possunt, ut animo libenti Defunctorum Confratrum animabus, sacris hebdomadariis, solatio simus, de satisfactione Præsides certiores reddamus, nec non perseverandi animum declaremus, breviter non nihil expendamus; & quidem potissimum hæc tria, pœnarum ignis purgatoriij acerbitateim, diuturnitatem atque animarum hoc igne cruciatarum multitudi-

rudinem consideremus.

1. Pœnarum ignis purgatorij acerbitas ex eo colligitur , quod SS. Patres doceant , eas , omnes hujus vitæ pœnas , rotas, catastas, enses, furcas, ignes , longe superare; teste S. Augustino in psal. 37.  
*Quamvis, ait futuri sunt salvi per ignem;*  
*gravior tamen erit ille ignis, quam quid-*  
*quid homo potest pati, in hac vita.* Et quid non sustinueré tormentorum, malefici? quid non suppliciorum Martyres Christi pertulere? S. Augustino consentiunt S. Gregorius Magnus in explicat. 3. psal. pœnit. Venerabilis Beda, S. Thomas, S. Anselmus , S. Bernardus & alii , Quis igitur erit, nisi sit silice durior, qui Confratribus suis , non libenti animo , missa sacrificiis opem ferat ?

2. Alterum, quod pœnas has auger, est, diuturnitas, & longa duratio , quam Ecclesiæ usus, longissimo tempore, anniversaria sacra pro defunctis offerre solita , probat. Cui adstipulatur Tertullianus antiquissimus Author L. de anima c. 17. Et S. Cyprianus de diuturnitate pœnæ purgatorij loquens confirmat L. 4 epist.

epist. 2. inquiens: *Aliud est pro peccatis  
longo tempore cruciatum purgari diu igne;  
aliud peccata omnia passione purgasse.*  
Quod & S. Ludgardi de Innocentio III.  
Pontifice revelatum esse, scilicet eum usque ad extremum judicii diem in purgatorio cruciandum; refert Surius in vita Tom. 3. ad diem 16. Junij. O quis igitur non libenter miseri solatium afferre, & tormenta abbreviare allaboret?  
Canis in igne ardantis miseremur, & Confratris Sacerdotis & amici Dei non miserebimur?

3. Denique tertium, quod calcar Nobis queat addere, est innumerabilis animarum purgandarum multitudo. Ratio perspicua est: cum enim nihil coquinatum admittatur in regnum cœlorum; sed soli illi rectâ ad conspectum DEI qui lux est, penetrant; in quo tenebræ non sunt ullæ; & soli illi locum infinitæ puritatis intrare valeant, qui vere sunt sancti atque omnino immaculati, & qui ad Ecclesiam illam pertinent, in qua non est macula neque ruga: ejusmodi autem rarissimi sunt; sequitur, cæteros omnes,

omnes , qui ad Electorum numerum  
pertinent, per ignem purgatorijs transire,  
donec penitus expurgentur.

Hæc si perpendamus DD. Confratres;  
quis non promptâ voluntate piis anima-  
bus Sacerdotum Filiorum DEI dilecto-  
rum , per sacrificia solatium auxilium-  
que ferat ; præsertim cùm ab illis , mutu-  
am sibi charitatem & misericordiam ab-  
undè præstandam , suo tempore confi-  
dat : & quâ mensurâ mensus fuerit , sibi  
remetiendum non ignoret ? Quis satis-  
factionem indicare Præsidibus tergiver-  
setur ; cùm hæc ipsa insinuatio , ad satis-  
faciendum stimulus esse queat ? Quis  
animum perseverandi abjiciat ; cùm hæc  
pro defunctis oblatio , honestissima,  
justissima & lucrosa sit negotiatio ; non  
secus , ac si quis , eandem pecuniam , tri-  
bus ad censum tribueret , & à singulis  
censum integrum reportaret ? His enim  
sacrificiis sibi acquiret per modum meri-  
ti , vitæ æternæ præmium ; deinde ani-  
mabus Defunctorum , per modum satis-  
factionis pendit lytrum : denique per  
modum impetrationis eisdem obtinet

libe-

liberationem , seu visionem beatificam , aut saltem refrigerium . Et quod quartum est , anima per ipsum liberata , atque in cœlestem patriam admissa non ingrata in se exhibebit , sed pro ipso apud supremum Numen intercedendo , liberatori vicem rependet ; adeoque quadruplici fœnore locupletabitur .

## EPILOGUS.

**Q**Uæ cùm ita sint , *Illustriſſimi Revereſſimi , perilluſtres , Ampliſſimi , Admodum Reverendi , ac Venerabiles Domini Confratres* , Omnia noſtra in charitate , ac bona benevolâque voluntate fiant : ex charitate & benevolentia ſacrificiis menstruis adjuvemus Confratres vivos : ex charitate & misericordia , hebdomadariis ſolemur , aut libetemus defunctos : ex charitate & fideliitate nos partibus noſtriſ non defuiſſe ſignificemus : ex charitate , & constantia in sancto fœdere perſtare cupiamus , promptūq; perseverandi animum quoſ annis accurate conſtemur : ex quibus magna

magna in nos emolumenta spiritualia  
reundabunt.

Non ignoramus nos inter innumeris  
salutis æternæ pericula, veluti inter scyl-  
las & Charybdes versari ; & meritò me-  
tuere possumus, ne in Scopulum ali-  
quem, animæ nostræ cymba illidatur.  
Scopuli ejusmodi, ut meminimus, sunt  
defectus Bonæ Voluntatis, defectus vo-  
cationis, defectus prædicationis, defe-  
ctus probæ conversationis, gravissimi-  
que alii, superbiæ, gulæ, avaritiæ, lu-  
xuriæ, & acediæ insultus ac tentationes  
è quibus Scopulis, ut anima nostra ad  
optatum beatæ æternitatis portum feli-  
citer elugetur ; quodnam medium, cre-  
bris missæ sacrificiis utilius, efficacius,  
divinius reperiri poterit ? ac proinde si  
finem serio desideremus, media non  
negligamus, sed ea constanter adhibe-  
mus.

Deinde hebdomadariè pro Confra-  
tribus defunctis celebrare minimè gra-  
ve, aut difficile reputemus, nec hebdo-  
madaria sacra in menstrua aliquando  
commutari cupiamus; longè enim aliter  
sen-

sentiemus, ubi flammis purgantibus im-  
mersi exquisitis tormentis cruciabimur:  
quando nobis hora, annus; dies, lu-  
strum, aut olympias; hebdomas una,  
præ dolorum, & tormentorum atrociti-  
tate, annorum myrias aut millio esse vi-  
debitur. Incredibilis enim, ut vidimus est  
ignis purgantis acerbitas: ingens non  
raro diuturnitas, nec est animarum illuc  
descendentium, & ardentium paucitas:  
juvemus igitur pro virib⁹, & quod nobis  
suo tempore præstari optabimus, modo  
promptè libenterque aliis ex fœdere ini-  
to præstemus; ac præstitisse, quot annis  
insinuare ne gravemur; simulque in bo-  
na voluntate perseveremus: hoc pacto  
ex parte nostra Confraternitatis Cano-  
nes in flore conservabimus, multos ex-  
cellentissimos actus latriæ erga Deum,  
charitatis erga vivos, misericordiæ erga  
defunctos exercebimus, & ut vicissim  
nobis par pari referatur, hisce virtutibus  
promerebimus; sicut enim, ut S. Jaco-  
bus Apostolus in epistola sua c. 2. mina-  
tur: *Judicium sine misericordia illi, qui*  
*non facit misericordiam: ita è contrate-*

ste

(120)

Itē æternā veritate: Beati misericordes,  
quoniam ipsi misericordiam consequen-  
t̄ur Matth. 5.

## CANON V.

**E**xemplō erunt, si s̄epius confiteantur,  
& quotidiè celebrent ad aram: ca-  
veant autem, ne lucri potius, quam de-  
votionis Causā accedant.

## EXPOSITIO

**T**erna, eāque sanctissima, nobisque  
utilissima, Confraternitas nostra,  
Sacerdotibus bonæ voluntatis, com-  
mendata desiderat puncta: scilicet, ut  
crebrò per exhomologes in sacrum ani-  
mum expiemus, quotidie sacrosanctum  
Missæ sacrificium Deo omnipotenti ad  
aram offeramus, ac denique ut ad ipsum  
non lucelli terreni gratiā, sed eximiā pie-  
tate ac devotione permoti accedamus.  
Quanto autem Jure, & æquitate, id  
a nobis requirat, abunde liquebit, si tan-  
ti sacrificij necessitatem, dignitatem, uti-  
lita-